

國朝詩人徵略

國朝詩人徵略卷二十

番禺張維屏子樹輯

岳鍾琪

字東美號容齋甘肅蘭州人官至兵部尙書加公
爵諡襄勤有薑園蛩吟二集

公兒時好布石作陣父敏肅公器之奏以同知銜
改武康熙五十八年西藏達哇藍占巴等叛

天子命親王爲大將軍率公征之公至察木多探知有準
噶爾使者誘各番守三巴橋公念三巴橋進藏第一
險賊若斷橋守之我兵不得過乃選能番語者

三十人衣番服馳至落籠宗禽使者五人殺六人

諸番驚以爲神兵自天而降相與匍伏降

小倉山房文集

雍正元年青海羅卜藏丹津寇西寧大將軍年羹

堯召公會謀公沿途勦撫奉檄征爾格弄寺喇嘛

羅氏黨也山甚險公奪山殺賊追至一山有高樓

賊伏其中發矢石公命健兒密攜引火木梯從兩

旁進而躬率大隊迎戰戰方鏖樓上烟起風發灼

耀賊焦爛墜是役也破賊萬餘公兵止三千也

上命公直搗青海公請精兵五千馬倍之至哈達河戰斬

千餘人賊竄追之拔營夜行遲明至其處賊尙臥

馬未銜勒聞官軍至驚。知所爲則皆走生禽。

母阿爾太哈賊妹阿寶等羅卜藏丹津走噶爾順。

青海平

同上

乾隆十三年起公爲四川提督征大金川公募新兵奪四十七碉樓復臨勒歪口。

天子命大學士傅恆視師誅姦人阿扣王秋等賊懼欲降而負固未出公請詣賊巢驗誠否乃袍而騎從者十三人傳呼直入羣苗皆衷甲持弓矢迎公目會長笑曰汝等猶認我否耶驚曰果岳公也皆伏地羅拜公宣布。

天子威德待以不死之意羣苗歡呼椎牛行炙畱公宿次
日酋長莎羅奔等從公坐皮舡出洞詣大軍降

天子加公太子少保兵部尚書復還公爵加威信二字以

寵異之公長七尺駢脅善射饕飲兼人其忠誠出

于天性征青海至哈喇烏蘇天寒溝洫軍渴公禱

于天水卽湧出閒居手通鑑一編好吟詩

同上

摘句只因未了塵寰事又作封侯夢一場

邯鄲題壁

卓爾堪

字子立漢軍人官前鋒有近青堂集

李之芳序云乙卯征閩逆爾堪爲右軍前鋒摧堅

陷陣身被數創猶居士卒之先

雅頌 熙朝

子立系靖難忠臣諱敬之後嘗輯勝國逸民詩集

文武並嫺遠近爭高其行

國朝詩別裁

摘句 不知孤月上但覺夜潮寬

花亂香烝岼峰高青出城

風雨每從今日到江山肯負此回看

平山登高

曹寅

字子清號棟亭漢軍人官通政使有棟亭詩鈔

其詩出入於白居易蘇軾之間

四庫提要

曹子清好射以爲讀書射獵自無兩妨

有懷堂藁

摘句 曉鐙寒無光驅馬別親故

忽開孤嶂曉獨坐白雲寒

兩間存正氣一脈接隆中

文山祠

酒人辭易水柳色到西京

禮法世難拘阮籍窮愁天欲厚虞卿

五月江濤新戰水百年籬落舊栽花

卞永譽

字令之一字仙容漢軍人官至刑部侍郎有式古

堂集

式古堂書畫彙考卞永譽撰是書書畫各三十卷

先綱後目先總後分先本文而後題跋先本卷照

跋而後引據他書條理秩然

四庫提要

朱彝尊論畫詩有妙鑒誰能別苗髮一時難得兩

中丞之句蓋永譽及宋犖皆精於賞鑒

同上

摘句 江水流不返江風吹不住郎作江頭風妾

作江頭樹

揆敘

字愷功滿洲人官至都御史諡文端有益戒堂集

康熙壬午十月二十八日

召試南書房是日同試十二人

欽定揆敘第一查慎行第二奉

旨每日入直

敬業堂集

標題

元世祖出獵圖

七古

歸化城觀打鬼

七古

摘句

百事未成虛遣日一年堪惜又逢秋

濃靄交時收樹影亂山缺處見江流

喻成龍

字武功漢軍人官至湖廣總督有塞上集

成龍知臨江府時漕米解戶多累卒破產成龍令

悉領於官百姓便之尤鼓舞學校購經籍數千卷

置尊經閣以授學者所表章忠節爲多

大清一統志

摘句 立馬望黃河天清塞雲紫

山分吳楚地波接漢湘秋

山小孤

小院斜通禪舍遠短牆飛出落花來

鈕琇

字玉樵江南吳江人貢生官知府有臨野堂集

觚觔鈕琇撰是編成於康熙庚辰皆記明末

國初雜事琇本好爲儷偶之詞故敘述是編幽豔悽

動有唐人小說之遺

提要四庫

玉樵令高明觚觔一書成於此時

楚庭梓珠錄

檀默齋云玉樵令高明邑海王廟鶴木合抱爲廳

風所拔枯已三年已卯五月木忽起立復生蒼翠
偏反宛如鶴羽又龍眼樹而荔枝實民咸歸美於

玉樵善政之徵也

江蘇詩徵

標題

秋雨歎

七古

後修塘謠

七古

摘句

勢盛疎族聚時危密交輕

春風客淚河橋柳夜月鄉心驛路笳

紫朮夜舂供客飯白雲秋製入山衣

張雲翼

字鵬扶漢軍人襲侯爵官至提督

松江提督張雲翼以公侯世家而嚴灘一首獨出

新裁其詞云漫整荷衣拜逸民灘聲猶自動星辰
富春近日誰漁父天子當年有故人名到先生纔
是隱賢如光武不稱臣只因曾作梅家壻外氏家

風愛隱淪

隨園詩話

摘句 明月到樓忘是夜桃花無水不成春

張養重

字虞山江南江陰人

張虞山過廣陵謁余揖甫罷余亟問曰夙愛足下
南樓楚雨三更遠春水吳江一夜生平生如此好
句復有幾張退謂邱洗馬季隨曰夙昔快意之句

不意阮亭一見便能道出

漁洋詩話

摘句 纜走懸厓險舟穿亂石斜

沈受宏

字台臣江南太倉人貢生有白瀟集

先生孝友誠懇終老不遇而中心坦如

國朝詩別裁

白瀟弱冠時梅村先生見其詩大擊節嘗寓書合

肥龔宗伯曰吾里中詩人近得毛生沈生毛生北

遊沈生送以詩有曰毛生自是初相識莫便輕他

十九人此與唐人何以異

國朝名家小傳

沈白瀟句云傷心一種天涯客卿是飛花我斷蓬

杭堇浦句云妾是水萍郎墮絮天生一樣可憐春

才子飄零佳人淪落言外多少感歎

聽松廬詩話

摘句 貧是儒家事難安爲老親遙憐負米客長

作倚閭人

方登嶧

字鳧宗江南桐城人官工部主事有述古堂集

鳧宗古詩得樂府神理近體亦蒼健

聽松廬詩話

標題 秦女休行

七古 霜遲樂

七古

摘句 寸有長尺有短雙輪馳不可挽我所急天

所緩

形骸百鍊後心事五更中

楊賓

字可師號大瓢浙江山陰人

考安城爲友人累戍寧古塔可師赴

闕訟冤得

旨之柳條邊迎親歸作柳邊紀略塞外人稱楊夫子書法

不染宋元習氣

國朝詩別裁

賓父沒例不得歸骨賓走京師日搏頰於當道與

前有憐之者爲奏請更例遂迎母奉父柩歸

蘇州府志

摘句 父母驟相逢注視還相訝

涕淚沾巾向北風但見庭闈死亦得

王 穀

字孟穀湖廣漢陽人有突星閣詩集

楚才自胡承諾顧景星而外僅見此人

漁洋詩話

孟穀獨抱一經長年旅食曾應薦舉卒無所遇僅

存遺集二寸許耳

國朝名
家小傳

摘句 字比南金看不盡情隨秋水去還長

卻憐老死空家祭不見王師北定年

讀放翁集

楊 模

字子式浙江仁和人

模以孝聞生平不惑二氏

詩國朝別裁

摘句

四日魄生方入夜七回絃上未成秋先期

乞巧穿鍼線後月舒光照女牛

閏六月初七夜月

沈紹姬

字香巖浙江錢塘人諸生有寒石詩鈔

香巖因家難棄家寓袁江鬻文自給

兩浙輟軒錄

摘句

地從江底分吳越天向欄前挂女牛

錢唐

不盡羈魂悲蜀道何來處士感天津

杜鵑

獨有千金酬漂母曾無一語感滕公

淮陰侯

蘇晉堂前宜繡佛馬融帳後有金釵

文 按

字賓日江南長洲人有十二研齋集

待詔五世孫能述祖德敦士行

國朝詩別裁

摘句 省事兼寡言能使心無競病亦不迎醫書

卷養性命

李必恆

字北岳一字百藥江南高郵人諸生有三十六湖

草堂集

施注蘇詩宋犖得殘本於藏書家屬武進邵長蘅
補其闕卷長蘅補八卷病未能卒業更倩高郵李

必恆續成

四庫提要

宋漫堂中丞選江左十五子詩厥後十五人中殿
撰一人位大宗伯一人大學士一人餘任宮詹入
翰林者指不勝屈而李丈以諸生終年止中壽何
其厄也然詩格之高才力之大可久者應讓此人

國朝詩別裁

北嶽品端學富卒祀鄉賢其論詩曰唐詩涵蘊深
遠比興居多宋詩據事直言敷陳大半要皆合乎

三百篇之旨

淮海英靈集

標題

饒歌六首

長短句

摘句

方朔仕漢廷事道非玩世時時一諷諷役
自敬其事叩頭誅董偃凜凜直臣義豈得
以談諧目之曰遊戲

王丹林

字赤杼浙江錢塘人官中書有野航集

詩品在牧之飛卿間

國朝詩別裁

摘句 流水有情空蘸影春風無色最銷魂開當

玉洞難知路吹落銀牆不見痕

白桃花沈歸愚曰

無剪刻痕有天然趣一時和者皆出其下

王錫

字百朋浙江仁和人諸生有嘯竹堂集

作者古今體詩俱多家數而名不出里巷予偶於
仁和柴侍御案頭得之錄入卷中因知名家而湮
淪者正有其人也爲之慨然

詩別裁
國朝

百朋丁卯中秋詩云去歲中秋節燈前病劇身黃
昏正風雨白首獨酸辛此日全微命高堂失老親
不如垂死處尙見倚閭人至性至情一湧而出篇
法句法俱造渾成雖古人見之亦當心折

聽松廬
詩話

摘句 目無高力士心識郭汾陽

李白

路行春水斷門閉落花深

鳥鳥悲深寒雨夜春令音斷白雲天
中流夜月潮千里隔岼人煙樹萬家
細雨賈帆迷柳影輕風漁笛出蘆花
春秋閱盡水長冷風雨到來山欲飛

冷泉亭

顧嗣協

字迂客江南長洲人官新會知縣

迂客詩才不在令弟秀野太史下

國朝詩別裁

摘句 駿馬能歷險力田不如牛堅車能載重渡

河不如舟生材貴適用慎勿多苛求

沈廉

字補隅浙江嘉興人

補隅方壯入秦有去題百二關中壁要看三千里

外山之句聞者壯之後足跡幾遍天下

國朝詩別裁

標題

江口行七古

彝陵州發櫂至黃牛峽

七古

摘句

吳儂愁送日蜀國雨爲年

怨鳥三春悲望帝井蛙當日笑公孫

劍門

雄風尙想潮頭弩軼事猶傳陌上花

表忠觀

翁荃

字止園江南江寧人

止園究心三禮說經硜硜

國朝詩別裁

摘句 隆中倘未出悠然樂天真柴桑苟任事述

祖抒忠純

讀武侯靖節合傳

珪組豈不榮日與傾危俱

蔣深

字樹存江南長洲人官朔州知州有繡谷詩鈔

繡谷以纂修書畫譜得官居官有政聲

國朝詩別裁

摘句 花落在何處人行覺路香

人度危灘月猿啼獨夜舟

馬上續完鄉國夢笛中吹起戍樓風

王汝驤

字雲衢江南金壇人貢生官通江知縣

雲衢丈制義宗工外人不知爲詩人

國朝詩別裁

摘句

關門開一綫羊腸裊青天

雞頭關

舟從罅隙行身在古石穴

黃牛峽

陳奕禧

字子文號香泉浙江海寧人貢生官知府有春靄

堂集

陳子文爲安邑丞著臯蘭載筆益州于役記

居易錄

香泉以書名天下求書者爭以資購之

兩浙輪軒錄

摘句

斜日一川汧水北秋山萬點益門西

府事開神禹文思協帝堯

虞帝陵

老去弟兄尤愛惜近來精力復何如

郭元釭

字于宮江南江都人諸生官中書有一鶴菴集

君於中州集之外復搜輯金人詩二千餘篇進呈

御覽

敬業堂詩註

于宮富家子好學深思宋中丞選十五子詩行世

王樓邨年長列首卷于宮年最少殿焉

國朝名家小傳

于宮以諸生修佩文韻府等書

授中書亦異數也

江蘇詩徵

摘句 南豐不讓劉中壘杜甫平交嚴鄭公

贈邵子湘

人事不來書卷合一樓寒雨看秋原

顧文淵

字湘源號雪坡江南常熟人有海粟集

雪坡與王石谷同畫山水王既成名度無以勝之

遂專從事墨竹久之幾與前代朱白民頤顏

海虞詩苑

摘句 有酒易傾不夜之圓月有金難鑄不謝之

名花

汪文柏

字季青號柯庭浙江桐鄉人官兵馬司指揮有古

香樓稿

季青昆友聚書萬卷撫韓杜韻語以爲詩材

曝書亭集

摘句 夜燈千疋練秋雨半湖菱

盛澤

雁飛難辨空中字櫓過惟聞暗裏聲

煙雨樓

竟夜不移香不染晚年相對意相關

菊影

費錫璜

字滋衡四川新繁人

此此度次子熟古樂府詩中時有古音

國朝詩別裁

摘句 食魚去乙食李去核治國去賊

烟光隨地盡水色到天無

但過黃河風色冷更無春酒似江南

徐蘭

字芬若號芝仙江南常熟人有出塞詩

芝仙長白描人物詩無一語不奇吾友徐龍友見

之幾於下拜

國朝詩別裁

芬若占籍天津沈方舟論近日虞山詩人以芬若

爲第一

標榜隨筆

標題

雨阻黑河

七古

燐火

七古

摘句

一峰飛入雲雲故推之出一峰飛出雲雲

故攬之入

髮離漢地根先白淚過秦山色變紅

馬後桃花馬前雪出關爭得不回頭

沈用濟

字方舟浙江錢塘人有方舟集

方舟足跡半天下至廣南與屈翁山梁藥亭定交
詩乃大進遊邊塞詩皆燕趙聲向見重紅蘭主人

輦下名大著

國朝詩別裁

方舟貧老無子依參議終身

榕城詩話參議張廷牧三韓人

摘句 沙乾奔渴馬風急下飢鷹

舟擲波心去人穿石窟來

一夫今保障羣盜背縱橫

潼關

瀑流爭一石人力盡千篙

雪中香不散煙外月無痕

花田

四嶽共推青帝長一峰還占丈人尊

泰山

宮臨白帝三峰立城繞黃河九折來

西嶽

烟開沅水雙流合帆轉衡山九面青

湘江

張錫祚

字永夫江南吳縣人有啖蔗軒詩

永夫三旬九食經年臥病年五十餘窮餓以卒葬

靈巖山麓碣曰詩人張永夫墓好事者每攜清酒

醉之

國朝詩別裁

摘句

溪盡斷人語月明聞櫓聲

孤村花發春當路十日雨晴紅滿枝

杏花

人隔蒹葭空有夢天無風雨不成秋

張元昇

字時升江南江陰人有半園詩

半園中年後隱居荒江之濱不與人接王子韓起

爲余誦其佳句然欲一見其人無由也

國朝詩別裁

摘句

亂山孤客影斜日欲離天

半天霜墮杵聲急一院月明人影單

李嶠端

字蒼存江南盱眙人貢生官知縣有後圃詩鈔

先生困場屋以教習期滿循例爲唐邑宰作鶴怨

猿驚圖以見志

國朝名家小傳

摘句 苑從趙鬼歌中起花向潘妃步底生

疎幕婢畱飛燕路小窗童挂護花鈴

殷譽慶

字彥來江南江都人

王漁洋嘗稱殷彥來之才彥來寄亡友夏任遠詩

于漁洋漁洋謂彥來友道可風

國朝詩別裁

夏任遠宏有梨花落地半窗雨柳絮人煙三戶風

之句頗佳其生平無可攷附載于此

詩話

摘句 窗收吳楚千帆白座揖金焦兩點青

先著

字遷夫四川瀘州人有之谿先生集

遷夫遷于金陵自云先世瀘州并託言姓先猶明

代之孫一元不知果秦人否也

國朝詩別裁

摘句 勞生百年內患有人之形一身歸虛無萬

念偏營營雖有賢智人惟與憂患并已矣

何所逃安之以無爭

周龍藻

字漢荀江南吳江人貢生有恆齋集

漢荀爲忠毅公後以歲貢終藝林惜之

國朝詩別裁

漢荀高才實學目中無兩

江蘇詩微

摘句 治道忌太甚綏靜乃其宜法令析牛毛徒

令上下疲

佛老爲道蠹厥理自古彰彼先三綱滅何
以訓四方蚩蚩文中子胸無尺度量哆口
三教一公然欺羣育妄允兩廡祀春秋備
蒸嘗吾思黜其主以爲儒宗坊

錢良擇

字玉友江南常熟人有撫雲集

玉友隨大吏出使海外又同朝貴使塞外絕域爲

詩感激豪宕不主故常

詩別裁國朝

摘句

罷舞視其身點墨不能著

觀小妓娟娟舞劍作沈歸愚

曰兒時見湯式九舞劍矢不能入此蘸墨灑之不能著點同一袖枝

鳥隨落葉下枯樹人帶夕陽穿亂山

九陌鶯花情緒少十年夫婦別離多

國朝詩人徵略卷二十

國朝詩人徵略卷二十一

番禺張維屏子樹麒

謝濟世

字石霖號梅莊廣西全州人康熙五十一年進士
官湖南鹽驛道有梅莊雜著

石霖官御史劾河南巡撫田文鏡貪贓壞法

世宗命王大臣嚴訊之究指使者石霖曰文鏡之惡中外
共知之濟世幼讀孔孟書粗識事君之義不忍視
姦人挾私罔上故冒死以聞必欲究指使者乃獨
有孔子孟子耳詰責再四無異辭遂

命往阿爾泰軍前効力乾隆

召復故官尋以母老請外轉出爲湖南糧儲道

測海集

公在軍臺讀書不輟有軍中學易圖

梅莊小傳

摘句 酒能昏白晝錢不住貧家

鳥跡蠅頭字青燈白髮人

白髮丹心遷客淚雲鬟玉臂故園情

自從紙上求傾國不媚君王媚畫師

明妃曲

沈樹本

字厚餘號輪翁浙江歸安人康熙五十一年

賜進士第二人官翰林院編修有輪翁詩集

沈樹本生平恬澹喜獎進後學著有德本錄唐宋

六大家詩湖州詩撫

湖州府志

標題

磨盤山

古

摘句

此後難逢迴日馭有人空喚渡河聲

宋宮故址

被酒不忘規諷意故將燕瘦比環肥

李白

徐葆光

字亮直江南吳縣人康熙五十一年

賜進士第三人官翰林院編修有二友齋集

亮直以諸生獻賦名動

九重後以編修充冊封琉球副使

賜一品麟蟒服撰中山傳信錄

荻汀錄

摘句 紙船託微命上灘復下灘上灘逆水怒求

進尺寸難片石扼我險力費千篙攢下灘

得水利雙楫如輕翰順流雖云樂觸激無

堅完

上灘人皆知難下灘人所易忽觸激無堅完下灘者宜知之

顧嗣立

字俠君江南長洲人康熙五十一年進士官翰林院庶吉士有秀埜集間邱集

江南通志稱嗣立博學有才名尤工詩所居秀野草堂嘗集四方知名士觴詠無虛日風流文雅照

映一時

四庫提要

元詩選顧嗣立編網羅浩博一一採自本書有元

一代之詩要以此本爲巨觀矣

同上

俠君箋註溫飛卿韓昌黎詩又蒐輯元人詩家有
古酒器三大者受十三觔餘各遞殺秀野署門曰
凡酒客過門延入與三雅詰朝相見決雌雄蓋終
其身無與抗者故一時有酒帝之目

國朝名家小傳

標題

讀元史

五古

摘句 積雨濕江雲林深白一片春風急吹開青

峰遞隱見

杜詔

字紫綸號雲川江南無錫人康熙五十一年進士

官翰林院庶吉士有雲川閣集

聖祖仁皇帝南巡迎

鑾獻詩

命供職

內廷壬辰會試榜後

特賜一體殿試改庶吉士

四庫提要

雲川選唐詩叩彈集皆中晚名作

詩國朝別裁

命行詔者八人入

南書房寫

御製金蓮花賦各賦紀恩詩紫綸獨進一詞拔置第一旋

命纂修歷代詩餘及詞譜

詞科掌錄

摘句 豈獨一時能雪恥直令千載感憐才

黃金臺

一戰快心惟鉅鹿三分失策在咸陽

戲馬臺

自是東風無著處本來西子有歸時

吳閭送春

仙種因應呼鳳子香魂只合伴梅花

羅浮蝶

程夢星

字伍喬一字午橋江南江都人康熙五十一年進

士官編修有今有堂集

其詩近劔南一派而閒出入於玉溪生

提要 四庫

先生丁內艱歸不出築篠園並漪南別業讀書偃仰其中主詩壇數十年詩兼法唐宋而雅好在玉

溪生以雪灘叟注未精重爲箋注

湖海詩傳

標題

箋注李義山詩刻成題後

五古

摘句

由來露才智適爲讒口資

積雨生夏寒輕煙散晴旭

邀風邀雨邀月可茗可碁可琴

篠園

十里烟深因近水一年秋早爲多山

芰荷風自浮輕幔羅綺香多過別船

軒因惜竹三間小樓爲看山四面寬

一院雨聲畱客後半窗梅影上鐙初

林 佶

字吉人號鹿原福建閩縣人康熙五十一年進士官中書有樸學齋集

佶工於楷法文師汪琬詩師陳廷敬王士正琬之堯峰文鈔廷敬之午亭文編士正之精華錄皆其手書付雕廷敬士正之集皆刻於名位烜耀之時而琬集則繕寫於身後故世以是稱之

提要 四庫

鹿原善篆隸楷法家多藏書徐乾學錢通志堂經

解朱彝尊選明詩綜皆就傳鈔

東越文苑傳

摘句 寶器逾晦逾光明肯讓漳河片瓦傳不朽

甘泉宮瓦歌

朱倫瀚

字涵齋號亦軒漢軍人康熙五十一年武進士官

副都統有閒青堂集

涵齋四歲以煤塗壁肖諸鬼神鳥獸像見者驚詫

聖祖仁皇帝嘗書所畫扇

賜高麗國王王復請於

朝具厚幣乞畫一時朝野傳爲美談

雅頌 熙朝

倫瀚善指頭畫得其舅氏高且圓法

畫微續錄

摘句 酒旗分柳色精舍湧蓮香

醉圖紅葉磯邊樹曾繫秋風載酒船

孫嘉淦

字錫公山西興縣人康熙五十二年進士官至吏部尙書協辦大學士諡文定

公遷左都御史上三習一弊疏略言人君耳習於所聞則喜諛而惡直目習於所見則喜柔而惡剛心習於所是則喜從而惡違三習既成乃生一弊何爲一弊喜小人而厭君子是也語言奏對君子

上嘉納宣示焉二林居集
訥小人佞奔走周旋君子拙小人巧君子一意孤
行而小人多方迎合于是乎小人不約而自合君
子不逐而自離今欲預除三習永杜一弊唯在乎
皇上之心孔子謂學易可無大過文王望道而未之見是
故唯聖人而後能知過唯聖人而後能改過願

皇上聖心自懷之常欣然不敢以自是此不敢自是之意
流貫于用入行政之聞耳目之習除取舍之極定
夫而後衆正盈朝太平可久矣奏入

上嘉納宣示焉二林居集
公總督直隸開五百八十支河使溝水通道道水

通河河水通淀交注遞洩無所滯留晉州小兒被
殺同村紀某衣污豆汁有司誤爲血刑訊誣伏公
奏雪之又奏直省酒禁太嚴以日用飲食之故使
天下騷騷非政體也弛之便

小倉山
易文集

愚民爲僧蓋有所不得已貧無所養不能力作因
削髮而爲僧名爲學佛實爲救飢計也

南遊
記

孫文定公言今之僧名爲學佛實爲救飢語最平
實世猶有爲文以闢佛者贅矣猶有逃禪而佞佛
者惑矣

松軒
隨筆

摘句 天地心從數點見河山春借一枝回

梅花

張梁

字大木一字奕山號幻花江南婁縣人康熙五十二年進士有簷吟樓詩鈔

先生卜居吾里備水竹花藥之勝又兄農部別業本高文恪公竹牕在杭州西溪每年上元後輒往探梅至雜花俱謝綠陰如幄乃歸工琴遇好山水及花月佳時一彈再鼓鶴爲起舞湖海詩傳摘句本非求人知我自寫我心彈琴

時世有升降性情無古今

初得一聲似曠若意已通學之既十年茲

理彌無窮彈琴先生彈琴諸詩不徒得琴趣並可通於論詩

萬承蒼

字字兆號孺廬江西南昌人康熙五十二年進士

官翰林院侍講學士有孺廬集

公嘗侍班嗽作屏息不敢出聲

溫語垂問

賜茶茶膏各一器

崔思恭撰墓誌銘

臨川李公以學術厚公而公實未嘗藉以求進及

因臨川以謫恬然受之公所著有萬學士易傳論

互體最精妙

鮑琦亭集

摘句 道不在多言貴發難顯情

疎林延霽色流水帶寒聲

卯酒醒遲嫌戶小冬裘減盡覺身輕
花似美人稀識面鳥如熟客屢聞聲

甘汝來

字畊道號遜齋江西奉新人康熙五十二年進士
官至吏部尙書諡莊恪有遜齋集

官涑水知縣以擅拘中官事革職旋以直聲起用

累擢至廣西巡撫晉兵部尙書

江西詩徵

摘句 黑白謾勞污蕙苳丹青何必羨麒麟伏波祠

向日貞

字乾夫四川成都人康熙五十二年進士官御史
太史美丰姿幼爲人誑入梨園兄覓得之詣巴縣
訟遂赴太守上控太守親試之未炷香文成又指
栢樹爲題應聲成詩太守曰神童也爲贖回攻書
戊子榜發第一癸巳入翰林改御史有直聲兩村詩話
摘句 栢本棟梁器初生不自全倘蒙培養力平
地直參天

顧陳埏

字玉停江南太倉人康熙五十三年舉人官行人

玉停纂修律數淵源中和樂府諸書

國朝名家小傳

玉停當時有算狀元之名所著鍾律陳數及八矢

注字圖說

四庫提要樂類存目小學類存目俱著錄

松軒隨筆

摘句

豹畱皮人畱名死無所畱不如無生惜哉

豹爲鼠死豹皮文獨存鼠腐臭未已

王鐵槍

風入江南亦有情

沈歸愚曰久羈北地者始知其工

查爲仁

字心穀號蓮坡直隸宛平人康熙五十三年舉人

有蔗塘未定稿

先生早賦鹿鳴被訐得罪數年得釋因發憤讀書
所居天津水西莊貯書萬卷往來名士無不攬環
結佩延主其家所娶金夫人含英亦耽風雅湖海詩傳
摘句 地偏人跡斷潮定水痕深

一榻茶烟畱客話半簾花影枕書眠

德齡

字松如號槿邨滿洲人康熙五十四年進士官至
吏部侍郎有倚松閣詩

自序謂詩稿少存年屆八旬始略爲釐定

八旗通志

摘句

酒殘暫拋防作病僧房新借似還山

移來使節關河遠老去書生面目仍
入臘竟須儲酒待開年準擬及瓜還
天桃落盡清明過一架鞦韆映菜花

翁志琦

字式金江南吳縣人康熙五十六年副榜

詩授外孫今詩壇有琢山姓氏可慰九原

國朝詩別裁

摘句

我吟三十載苦心實在茲名山傳絕業回

首當付誰他時曉人事應識此言悲

外孫至

畢竟無公道愁人髭畔多

白髮

張廷璐

字寶臣號葑齋江南桐城人康熙五十七年

賜進士第二人官至禮部侍郎有咏花軒詩

予三弟廷璐督學江蘇在任稱職前後三任九年

乃向來所無之事

澄懷園語

摘句 楊柳旗亭偏送別杏花村店尙餘寒

門爲看山何用杜車還駕鹿不須懸

慙愧此生論取與天公傷惠我傷廉

鄭江

字磯尺號筠谷浙江錢塘人康熙五十七年進士

官翰林院侍講有筠谷集

先生與修明史提督江安學政遷侍讀以足疾乞
解官先生嘗謂康節實出老莊之緒餘節以焦京
之術數宋史登之道學可笑也

鮎埼亭集

先生幼孤貧眇一日自嘲云自號小冠杜子夏人

嗤一目湘東王

隨園詩話

摘句 民情大可見豈願咸其腓勞勞道路間志

在救朝飢飢寒苟不恤焉用長吏爲

碧水幾時停過客青山終古屬先生可知

遜世原持世始信逃名是愛名

釣臺

王懋竑

字予中江南寶應人康熙五十七年進士官翰林院編修有白田草堂存稿

其學長於考證詩文則未能過人

四庫提要

白田雜著王懋竑撰以所作辨證之文合爲一帙

與黃伯思東觀餘論體例略同

四庫簡明目錄

雍正元年

硃筆寫出蔡世遠王懋竑喬崇修此三人着調來京懋竑

擢翰林院編修

尚書房行走

淮海英靈集

摘句 生平操持力不敵一念非

許均

字叔調號雪村福建侯官人康熙五十七年進士

官禮部郎中有玉琴書屋詩鈔

雪村嚴正勇任事以薦出稽江南虧空

東越文苑傳

許氏累世擅三絕閨房亦嫻翰墨

同上

摘句 鏤肝刻腎玉川子箋奏天公枉費墨何如

研露寫烏絲翠袖佳人勤拂拭

端硯

車騰芳

字圖南號蓼洲廣東番禺人康熙五十九年舉人

官海豐教諭有螢照閣集

乾隆丙辰開鴻博科大吏薦之至京後期不得

試後仕海豐教諭才名德望人推服之

廣東通志

學使吳雲岩雅重先生贈以詩有眼青敢道因吾

輩頭白何期識此翁之句

粵東詩海

摘句 少康樂盤遊殷憂惟五子惓惓乃作歌中

心良惻悱遂開風雅先離騷亦祖此

一飯亦能生國士良弓終忍棄王孫

淮陰

詞人自古憐芳草南國多情是鷓鴣

高樹有陰鳴和鶴淺沙流水樂知魚

國朝詩人徵略卷二十一

國朝詩人徵略卷二十二

番禺張維屏子樹輯

厲鶚

字太鴻號樊榭浙江錢塘人康熙五十九年舉人有樊榭山房集

鶚生平博洽羣書其詩吐屬嫺雅有修潔自喜之致絕不染南宋江湖末派

四庫提要

遼史拾遺厲鶚撰採摭羣書至三百餘種自稱所

註遼史比於裴松之之三國史註亦不誣也

同上

以浙江總督上蔡程公薦來都誤寫論在詩前遂

罷歸是科徵士中吾石友三人皆據天下之最太
鴻之詩雅威之古文紹衣之考證求之近代罕有
倫比紹衣庶常例不當試後以散館出外雅威以
疾太鴻以違式皆不得在詞館豈非命哉詞科掌錄
樊榭少孤家貧其詩清妙軼羣又工於言情其人

率意而行畢生以覓句爲自得

鮎埼亭集

徵君性情孤峭義不苟合讀書搜奇愛博鉤新摘
異尤熟於宋元以來叢書稗說以孝廉需次縣令
將入京道經天津查蓮坡畱之水西莊同撰周密
絕妙好詞箋遂不選而歸揚州馬秋玉兄弟延爲

上客馬氏小玲瓏山館多藏舊書善本因得端居
探討所撰宋詩紀事遼史拾遺極爲詳洽

湖海詩傳

西溪諸什可當山經一卷讀

雲螭齋詩話

杭堇浦太史哭厲徵君詩有云泉路定應尋月上
斷風零雨說相思月上徵君愛姬也早卒徵君有
悼亡姬七律十二首極爲悽麗徵君無子歿四十
餘年徵君及月上栗主俱委榛莽中春渚何君見
之取歸送黃山谷祠埽洒一室以供之王蘭泉侍
郎屬同人于忌日薦酒脯焉徵君之才自足不朽
而侍郎及春渚諸君之好義亦可風矣

聽松廬詩話

樊榭五言以氣韻勝七言以才情勝總由胸有積書是以語多雋味

同上

樊榭秦淮懷古四首哀豔蒼涼不愧名作詩云佳麗江山入暮秋秦淮從古擅風流殘陽半隔烏衣巷綠水斜通白鷺洲事去興平空拜爵天亡歸命不成侯當年大有傷時語一曲清歌在漏舟回首中原接戰塵但誇天塹渡無因阿誰肯墮新亭淚有客猶尋舊院春會冠蓮臺王學士名喧桃葉願夫人蛾眉前後皆奇絕莫怪羣公欠致身南都近事關妍華北里妝成勝若耶妙妓新幫吟蛺蝶君

王特赦問蝦蟆匆匆時節爭鉤黨草草兵戈散內
家贏得渡頭殘柳在瘦腰無力倚風斜女牆東畔
足流連只少劉郎好句傳長板橋空餘舊月回光
寺古賸寒烟荒畦盡種瓢兒菜樂府新停燕子箋
聞道樵童閑換酒井中淘得墜金鈿同上

余愛誦樊榭葛嶺絕句云蕉飈暗廊蟲弔月無人
知是半閒堂古今來豪華喧熱之場轉瞬間便是
寂寞荒涼之境半閒堂特千百中之一耳同上

標題

曉至湖上

五古

柏家園行竹樹梅花中

五古

游西山龍泓洞

五古

冷泉亭月夜

五古

焦山古鼎

古七

東涼山別墅晚眺

古五

趙

忠毅公鐵如意歌

古七

伏生授經圖

古七

汎舟西溪看梅

古五

詩牌

古五

雪中西溪

歸舟

古五

紅橋春游曲

古七

賈秋壑玉枕

蘭亭

古七

漢銅龍虎鹿盧鐙歌

古七

夜宿

松靄山房

古五

宿臯亭山下田家

古五

方

正學先生雙松圖

古七

焦山看月

古七

摘句

人靜月復清雲疎雨猶滴

冥搜滅衆聞百泉同一響

微聞梅花氣吹落疎磬中

菱絲罥波鏡柳影出峰髻

的的花間雨澹澹花上烟烟雨爲合離花
態亦變遷

開門殘月在下見數峰雪雪際生白雲宵
暝不可說

綠陰下無地江影如雕鏤一窗納萬里波
遠斜陽收

幽人與時鳥共喜綠陰成

魚聲不知處荷氣偶然來

道存衣食內人老別離中

慈母行年開八秩太平生世見三朝
千世策堪黃口笑背時詩待素心論
夢回竹月攤書地人道風潮損稼天
屋頭大葉自吟雨衣上綠陰如染苔
香飛花片來杯面寒送東風入櫺腰
竹陰入寺綠無暑荷葉繞門香勝花
花明正要微陰襯路轉多從隔竹看
月明不見星河影夢醒微聞梧竹聲
授經力養分華黍裏飯深情過子桑
人影不離春水舫詩愁都在夕陽山

萬邦榮

字西田河南襄城人康熙五十九年舉人

成敗何足校英雄自有真臥龍思復漢齋志何曾

申不以成敗論人是豪傑語

國朝詩別裁

摘句 世無名與宦人心皆太古世無輪與蹄人

皆守鄉土

此即人不婚宦情欲減半之意

鄭世元

字黛參號耕餘浙江餘姚人康熙五十九年舉人

世元幼穎異博綜羣籍一發之於詩

紹興府志

耕餘詩人皆欲殺今之白我醉須埋骨者恰可稱

絕對又古人不死書長在秋氣無情物亦生

山居詩話

耕餘詩客中寒食最銷魂旅人不堪誦此

聽松廬詩話

標題

感懷雜詩五

捉船行七

摘句

赤日萬古陰江霧晝常結

觀音巖

芳草路旁都是恨暮山樓上對誰青

方正瑗

字引蘧江南桐城人康熙五十九年舉人官潼商道有連理山人詩鈔

引蘧當軍需絡繹時玉關萬里轉餉十年猶能創

建書院與人講學

國朝詩別裁

摘句 少年愛新交老衰思故人

芳草桃花四五里白雲流水兩三峰

絕代應憐顏色少六宮曾識舊人多

古鏡

許廷鑠

字子遜江南長洲人康熙五十九年舉人官武平

知縣有竹素園詩

子遜長弓刀馬槊徧歷四方高文良公對客每吟

子遜佳句文良有作子遜每與商略

國朝詩別裁

子遜緘詩進謁新城王司寇歎爲後來之畏

榕城詩話

竹素先生性豪放論古今史事慷慨激發一官閭

海樵悴數年既歸長洲居陳墓河水雲千頃花藥

數椽猶作詩以自遣

湖海詩傳

摘句

生涯各歧路鄉夢半離居

素心常耐冷晚節本無瑕

白菊

記得星橋逢兩度玉釵人共凭欄干

寒燈獨照三千里薊北江南共不眠

黃之雋

字石牧號唐堂江南華亭人康熙六十年進士官

中允有唐堂集

之雋排陸王而尊程朱持論甚正而綜覽浩博才

華富瞻興之所至下筆不能自休

四庫提要

香屑集黃之雋撰是編皆集唐人之句爲香奩詩
凡古今體九百三十餘首前有自序亦集唐人文
句爲之是編雖取諸家之成句而對偶工整意義
通貫排比聯絡渾若天成且惟第二卷五言長律
中重用杜甫二句陸龜蒙二句餘雖纒纒鉅篇亦
每人惟取一句且有疊韻不已至倒押前韻而一
一如自己出可謂前無古人後無來者

同上

摘句

一度送行傳一畫人生那厭別離多

才子舊稱何水部佳人屢出董嬌嬈

以下集唐

麗詞珍貺難雙有活色生香第一流
不堪紅葉青苔地可要金風玉露時
縱令奔月成仙去安得好風吹汝來
直遣麻姑與搔背偶逢神女學吹簫
羅袖動香香不已連環要解解非難
投漆投膠非足擬逢花逢月便相招
明月自來還自去行人歸北又歸南
暮雨自歸山悄悄碧雲初斷信沉沉
金縷機中拋錦字茶鐺影裏煮孤燈
弄玉有夫皆得道劉綱與婦共昇僊

儲大文

字六雅號畫山江南宜興人康熙六十年會試第一官翰林院編修有存研樓集

大文究心地理故全集十六卷論形勢者居七卷國初百有餘年惟閩若璩明於沿革大文詳於險易

提要

四庫

摘句 自南鴻雁隨春去直北星辰入望來

謝道承

字又紹號古梅福建閩縣人康熙六十年進士官至內閣學士有小蘭陔集

道承假歸養親故取南陔補亡詩語名集

四庫提要

摘句 兒來前自堯經今凡幾年兒彊記自堯經

今凡幾帝兒時應對稍逡巡母顏變色旋
恚嗔陳篋孫志學人責稽古胡不如婦人

陸奎勳

字坡星號陸堂浙江平湖人康熙六十年進士官
翰林院檢討有陸堂詩文集

說經好爲異論頗近毛奇齡

四庫提要

奎勳少好談兵又精六壬學及星家言繼而學仙
學佛年四十一乃一意經學著有陸堂易學詩學

今文尙書說春秋義存錄戴禮緒言

兩浙翰軒錄

摘句 九野無纖雲孤鏡磨青銅西南月角忽吐

一端白層疊紅黃紫綠碧自天直下垂相

去不知幾丈尺廿四道光一迴旋但見寶

月不見天半空搖曳流蘇然

月華歌

馬維翰

字墨麟浙江海鹽人康熙六十年進士官四川

東道有墨麟詩卷

詩以縱橫排界爲長然神鋒太儁者居多

四庫提要

內大臣驗看諸人皆跪公不可九門提督隆科多

呵之公夷然不動隆笑曰不料渺小丈夫乃風骨

如許公曰區區一跪尙未見維翰風骨也

隨園詩話

馬觀察詩懷古尤多合作王景略墓云遭際臥龍

同出處才情捫蝨擅風流朝元閣云樓上夜涼閒

大被水邊春盡散諸姨措語殊妙

炙硯瑣談

摘句 千古磊砢人志定神自王取義生可舍當

仁師不讓

櫻桃欲謝日初上楊柳作絲鶯亂飛

魯會煜

字啓仁號秋塍浙江會稽人康熙六十年進士官

翰林院庶吉士有三州詩鈔

詩以三州名集自序曰杭州汴州廣州也蓋其歷

主講席游蹤所及之地云

四庫提要

摘句 河勢日南流諸湖據上游咽喉高堰急心

腹兩淮憂

蟲語如人絮雞鳴似鳳難

畱保

字松齋滿洲人康熙六十年進士官至吏部侍郎
公幼年氣盛善怒太夫人屢折戩戒之及長使於
四方跪太夫人前乞一杖授蒼頭曰嗣後我怒汝

卽以杖示我每怒見杖必悚然曰母在怒輒平其

純篤如此

小倉山房文集

摘句 牽衣兒女淚攬轡使臣情

笛中疊韻花猶落雪裏敲詩句亦清

錢陳羣

字集齋號香樹浙江嘉興人康熙六十年進士官

至刑部侍郎加尙書諡文端有香樹齋集

太傅父贈公曬麥於庭贈公上樓校書籍稚童侍

側見蒼頭持氈帽取麥滿而去去復來取童以竊

麥告贈公曰渠我家人視我家物如已物偶取以

飼雞鳴耳何云竊也贈公居心忠厚如是

南野堂筆記

公母陳太夫人工畫自稱南樓老人贈公館於外

太夫人紡績供餽粥不足則嚮畫以繼

兩浙輶軒錄

上尤愛公詩文之美嘗與考論今古稱為故人公年八十

六再與九老之會公子汝誠為戶部侍郎隨公入

朝父子卿貳持杖扶攜出入宮苑觀者以為榮是時

沈文慤公在吳公在嘉興天下以為齊名雖

上亦稱為二老也

惜抱軒文集

公乞假歸田之後時

賜御製詩章俾其屬和

賚予便蕃至以明僧紹爲比

湖海詩傳

摘句

析上衣手中絲手中絲盤中餐兒母啼飢

母號寒爲誦孟子終七篇

敬題家慈夜紡授經圖

風團謝家絮霜點洞庭橙

瞥見新槽聞酒熟始知小驛是楓香

盧見曾

字抱孫號雅雨山東德州人康熙六十年進士官

兩淮鹽運使有出塞集

運使有吏才夙慕其鄉王阮亭尙書風流文采故

前後任兩淮運使各數年又值竹西殷富接納文

人惟恐不及又校刊乾鑿度高氏戰國策鄭氏尙
書大傳李鼎祚周易集解封演開見記諸書又補
刊竹垞太史經義攷并輯

國朝山左詩行世修小秦淮紅橋二十四景及金焦
樓觀以奉辛未丁丑兩次

宸游其愛古好事百餘年來所罕見

湖海詩傳

摘句 齒加孫冕餘三歲歸後歐公又九年犬馬
有情仍戀 主參苓無效也憑天

顧棟高

字復初號震滄江南無錫人康熙六十年進士官

國子監祭酒

春秋大事表顧棟高撰是書以春秋列國諸事比而爲表條理詳明考證典核其辨論諸篇皆引據博洽議論精確多發前人所未發

提要四庫

震滄先生精心經術尤長於春秋官中書以奏對越次罷官遂不復出乾隆辛未以經學徵

賜官國子監司業未就丁丑迎

鑾晉祭酒時年幾八十矣

湖海詩傳

摘句 兩岍青山圍素月一溪寒水宿殘星

沈起元

字子大江南太倉人康熙六十年進士官光祿寺卿有敬亭詩文集

河南災子大議以州縣未被水者安插流亡俾毋出境直隸旱請先普賑一月再查戶口加賑

測海集

公知興化府僊游縣令受代不肯收碎米公怒曰穀以備賑碎米獨不可食耶令謝過乃已

二林居集

州縣交代倉穀尤費唇舌余署黃梅調廣濟此兩縣皆產毛穀二斗穀向不敷一斗米而後任執二穀一米之說不肯接收其盤倉碾出之碎米則又分別二米三米二米須二升作一升其戚友僕從

亦俱藉補穀爲名。嗚嗚不已。今觀沈公所言誠片語。足以解紛矣。然公去而後。任縣令仍不收碎米。則前收者不受累耶。愚謂凡若此者。莫若詳定章程。明白刊布。使彼此易於遵守。不至強者處其易而弱者處其難。似亦平政之一端也。松軒隨筆

摘句 落筆一身膽。結交寸心血。
月流千縷光。籟起萬山竅。